

poben vierzig gulden, unde eysschen solche name gekart adir gegulden unde ouch oren gewerderten schaden.

Dar entkegen dann der von Quedelingebug weddirrede ist: Als der vorgeschriben Windolde dynere unde helffere geweldiklichen vor
5 Groszen Herszleven gesucht weren, also daz landruchtig wart, sind ore dynere von gemeynes geruchtes wegen ane vorsasze dem geruchte gefolget unde czu der jacht komen etc., also daz or antwertte dar selbst furder inheldet unde uszwiset.

Dar uf sprecchen wir der rad czu Northusen gewilleten richter
10 unde scheideslute nach der wehere, wen dy geschin ist, recht unde scheiden das also: Wollen eyn borgermester unde eyn crigesmestern czu der czijd geseszin adir czwen des rats Quedelingebug irhalden uf dy heiligen, also recht ist, daz or dinere von gemeynes geruchtes wegen ane vorsasze dem geruchte gefolget unde czu der jacht komen sind,
15 so bliben die genanten von Quedelingebug des ane wandel unde ensind den genanten Windolden umme dy schuld unde umme dy dryhundert unde ouch dy vierzig gulden gewerdertes schaden, dar von sie scribeben, von ere unde rechtesz wegen nicht phlichtig.

Uff die andern schuld der Windolde, dy also lutet: Czu dem an-
20 dern male beschuldigen wir genanten Herman unde Lippold Windold den obgenanten rad beyder stede Quedelingebug, daz sie uns eynen unsern knecht, genant Bartholomeus, in eyme vorborgeten frehde tot haben laszen slahen etc. unde furder beruren eyn solchs med versasze sollen getan haben unde dar umme vierzig gulden globet unde gege-
25 ben unde mede benennen funffzig gulden gewerdertesz schaden, den sie dar von haben, also daz dy selbige schuld an dem teyle daz furder eygentlichen uszwiset.

Dar entkegen dann der rad von Quedelingebug secczet vor antwertte, daz sie des unschuldig sind, unde segen darczu neyn, unde
30 daz sie nach ore vorfarn darumme keyn gelt nach globet haben, als dy Windolde scribeben, sundern daz der genante Bartholomeus, als sie sich des vormuden, von den von Osterwich under andern mordern unde struchdiben by nacht eyne halbe myle wegcs von orer stad adir dar by erslagen etc., also or antwertte an dem teyle furder inheldet.

Daruf sprecchin wir der rad czu Northusen gewilleten richter unde
35 scheideslute nach der wehere, wen dy geschin ist, recht unde scheiden daz also: Wollen eyn borgermeister unde eyn crigesmester von des rats wegen Quedelingebug sweren czu den heiligen, als recht ist, daz der genante rad czu Quedelingebug ore vorfarn unde ouch sie rats
40 gebots tat unde hulffe des todes Bartholomei in dem schultbrive genant unschuldig sind, unde daz sie ouch nymande vierzig gulden adir schog den genanten Bartholomeum czu erslauen globet nach gegeben haben, so sind abir dy von Quedelingebug den Windolden von der schuld wegen unde ouch der funffzig gulden schaden, die sie in orem schult-
45 brive benennen, von ere unde rechtesz wegen nicht phlichtig.

Als denn die genanten Herman unde Lippold Windold czum derten male den genanten rad beyder stede Quedelingebug unde dy alterluthe